

## Sobatelēs vakarielis

Sogruobē šēndēin mon šērdelē:  
Jauto – šausio i torgieli.  
Pērksio šliorēs ē jopelē,  
Ruožiem poušta koskēlelē.

Vakarielis sobatelēs  
Eso dēdē straini.  
Žondā kaist kāp obulelē.  
Jau pakēla baimē.

Siedo tīle ont soulalē,  
Skvarbatkeles čiopēniejo –  
Kol Bladielis pasēlēnkēs  
Dailē sočiolbiejē:

„Diekiau vēina mazurkelē –  
Lai sobēld žemelē.  
Pri šērdelēs tavi glausio,  
Būk mona mergelē.“

Šuokuom dūkuom lig aušrelēs,  
Neblaika jau kuojelēs.  
Vo šērdelie žīd saulelē:  
Eso Bladē jau mergelē!